

苏轼补注

第十一册

東坡先生編年詩卷二十

後學查慎行補註

姪男開校刊

古今體詩六十首

起元豐三年庚申正月赴黃州盡一年作

陳州與文郎逸民飲別攜手河隄上作此詩

白酒無聲滑瀉油醉行隄上散吾愁春風料峭羊角轉
河水渺綿瓜蔓流君已思歸夢巴峽我能未到說黃州
此生聚散何窮已未忍悲歌學楚囚

陳州

太平寰宇記自開封府東南至陳州三百十里

黃州

注詳後

文逸民

名務光子由壻也故呼為文郎按范百祿所撰

文湖州墓志男五人務光第四子也

子由自南都來陳三日而別

夫子自逐客尚能哀楚囚奔馳二

一作三

百里徑來寬我憂

相逢知有得道眼清不流別來未一年落盡驕氣浮嗟

我晚聞道欵啟如孫休至言難久服放心不自收悟彼

善知識妙藥應所救納之憂患場磨以百日愁冥頑雖

難化鑄發亦已周平時種種心次第去莫留但餘無所

還永與夫子游此別何足道大江東西州畏蛇不下榻

睡足吾無求便為齊安民何必歸故邱

南都來陳

宋州歸德軍宋為南京太平寰宇記自歸德軍西南至陳州二百八十里

善知識

法華經本事品其善知識能作

佛事種種心

猶俗言般般也施氏原注引左傳余髮種種者訛

睡足

杜牧之齊安郡詩平生睡足處雲夢澤南州

齊安

元和郡縣志春秋邾地後為黃國之境蕭齊于此置齊安郡開皇三年罷郡置黃州天平寰宇記淮南道黃州齊安郡唐中和五年移于舊邾城南與武昌對

岸東北至東京一千九百里南至
武昌縣隔大江北至光州七百里

正月十八日蔡州道上遇雪次子由韻二首

蘭菊有生意微陽回寸根方憂集暮雪復喜迎朝暾憶
我故居室浮光動南軒松竹半傾瀉未數葵與萱三徑
瑤草合一餅井花溫至今行吟處尚餘履舄痕一朝出
從仕永愧李仲元晚歲益可羞犯雪方南奔山城買廢
園槁葉手自掀長使齊安人指說故侯園

蔡州

元和郡縣志漢汝南郡隋自豫州移入懸瓠城今理是也大業二年改
蔡州東北至陳州二百六十里東南至光州三百二十里九域志京東

西北路蔡州汝南郡淮康軍節度領
新息新蔡等十縣二統志今汝寧府

井花

杜甫詩兒童汲井
花慣提瓶在手

鉛膏染髭鬚旋露霜雪根不如閉目坐丹府夜自瞰誰

知憂患中方寸寓羲軒大雪從壓屋我非兒女萱平生
學踵息坐覺兩鞚溫下馬作雪詩滿地鞭箠痕佇立望
原野悲歌爲黎元道逢射獵子遙指狐兔奔蹤跡尚可
原一作尋窟穴何足掀寄謝李丞相吾將反邱園

染髭須

劉禹錫詩近來時世輕前輩好染髭須媚後生

方寸

黃庭經注三丹田各方一寸曰寸田

慎按藥城集原題云次韻王適雪晴復雪一首其首章用韻不同先生所和皆第二首韻也

附子由原作一首

同雲自成幄飛雪來無根一爲清風卷坐見東方
暉重陰偶復合飛霰滿南軒油然青春意已見出
土萱老病一不堪惟恃濁酒溫開戶理松菊掃蕩

無遺痕卷舒朝夕間誰識造化元乾坤本何施中
有神怪奔萬物極毫末顛倒何足掀老農但知種
荷鋤理南園

過新息留示鄉人任師中

公自注任時知瀘
州亦坐事對獄

昔年嘗羨任夫子卜居新息臨淮水怪君便爾忘故鄉

稻熟魚肥信清美竹陂雁起天爲黑

公自注小竹
陂在縣北

桐柏烟橫

山半紫

公自注桐柏
廟在縣南

知君坐受兒女困悔不先歸弄清泚塵

埃我亦失收身此行蹭蹬尤可鄙寄食方將依白足附
書未免煩黃耳往雖不及來有年詔恩倘許歸田里却

下關山入蔡州爲買烏犍三百尾

公自注蔡
州出水牛

任師中

名伋注見前

新息

元和郡縣志漢新息縣唐武德二年置息州貞觀中廢爲縣太平寰宇記新息縣在蔡州東南二百五十

里淮水自西流入經縣南漢書

卜居

欒城集云任師中名伋世家眉山吾先君子之友也始爲新息令其民愛之買

注本息縣其後東徙故加新字

里而

坐受兒女困

淮海集瀘州使君任公墓表熙寧五年熊本薦伋知瀘州元豐二年納溪砦互市有歐夷人至死者故事漢人

殺夷人既論死仍償其資謂之骨價時砦將欲勿與夷人爭譟公曉以禍福投兵請降而轉運判官意與公異公具奏使者欲貪功生事使者即誣奏公前乞弟過江安不時掩擊疑有私謁朝廷疑之乃先免而下章于他郡各窮究所考未具而公卒

過淮

朝離新息縣初亂一水碧暮宿淮南村已度千山赤磨
颺號古戍霧雨暗破驛回頭梁楚郊永與中原隔黃州
在何許想像雲夢澤吾生如寄耳初不擇所適但有魚
與稻生理已自畢獨喜小兒子少小事安佚相從艱難

中肝肺如鐵石便應與晤語何止寄衰疾

公自注時家在子由處獨與兒子邁南來

淮南邨

元和郡縣志淮水去新息五里自西流入經縣南

雲夢澤

史記司馬相如傳楚有七澤其小者名雲夢太平寰宇記雲夢

澤在安陸縣東南濶數百里南接荊州。慎按左傳邨子之女棄子于夢中史記楚令尹子文生時父母棄雲中羅子蒼識遺云江北為雲今玉沙監利景陵等縣江南為夢今公安石首建寧等縣跨江南北總謂之雲夢乃二澤名禹貢爾雅皆言雲夢並舉而言耳舊尚書雲夢土作又唐太宗得古本尚書作雲土夢作又遂晤語詩陳風彼美淑姬可與晤語詔從古本

書磨公詩後

并引

過加祿鎮南二十五里大許店休馬於逆旅祁宗祥

家見壁上有幅紙題詩云滿院秋光濃欲滴老僧倚

杖青松側只怪高聲問不應嗔余踏破蒼苔色其後

題云湓水僧寶磨宗祥謂余此光黃間狂僧也年百

三十死于熙寧十年既死人有見之者宗祥言其異
事甚多作是詩以足之磨公本名清戒俗謂之戒和
尚云

磨公昔未化來往淮山曲壽逾兩甲子氣壓諸尊宿但
嗟濁惡世不受龍象蹴我來不及見悵望空遺躅霜顱
隱白毫鎖骨埋青玉皆云似達摩隻履還西竺壁間餘
清詩字勢頗拔俗爲吟五字偈一洗凡眼肉

鎖骨

續玄怪錄延州有婦人甚有姿色少年悉與狎數歲而歿葬道左有胡僧敬禮其墓曰斯乃大慈悲喜捨俗之欲無不徇焉此卽鎖骨菩薩衆

人開視其骨鈎結皆如鎖狀遂與起塋

遊淨居寺

并引

淨居寺在光山縣南四十里大蘇山之南小蘇山之
北寺僧居仁爲余言齊天保中僧惠思過此見父老
問其姓曰蘇氏又得二山名乃嘆曰吾師告我遇三
蘇則住遂留結菴而父老竟無有蓋山神也其後僧
智顗見思於此山而得法焉則世所謂思大和尚智
者大師是也唐神龍中道岸禪師始建寺于其地廣
明庚子之亂寺廢于兵火至乾興中乃復而賜名曰
梵天云

十載遊名山自製山中衣願言畢婚嫁攜手老翠微不
悟俗緣在失身陷危機刑名非夙學陷穽損積威遂恐

生死隔永與雲山違今日復何日芒鞋自輕飛稽首兩
足尊舉頭雙涕揮靈山會未散八部猶光輝願從二聖
往一洗千劫非徘徊竹溪月空翠搖烟霏鐘聲自送客
出谷猶依依回首吾家山歲晚將焉歸

淨居

名勝志淨居山在光山
西南山上有淨居寺

光山縣

元和郡縣志光山縣在光州南三十
里本漢西陽縣魏屬弋陽郡宋孝武

于此立縣光山一名弋

惠思

南嶽思大禪師行狀師諱慧思武林李氏子依
北齊慧聞禪師悟入法華三昧時稱思大和尚

山在縣西北八十里

及領徒南邁值梁之亂暫止大蘇後居南嶽般若寺爲法華三祖釋氏稽古畧

云初南嶽慧聞探藏經得龍樹大士所造中觀論悟旨遂遙禮龍樹爲師以法

華宗旨授慧思思授智者大師智顗顗授灌頂尊者頂授縉雲威縉雲傳東陽

威東陽傳左溪元朗朗傳湛然荆溪尊者通爲九祖後世宗之曰天台教

智顗

續高僧傳智顗字德安姓陳氏年十八投相州果願寺出家後詣光州
大蘇山慧思禪師受業思每嘆曰昔在靈山同聽法華今復來矣卽示

普賢道場爲說四安樂行顗乃于此山行法華三昧又入白沙如前入觀于經
有疑輒見思來冥爲披釋後常令代講聞者伏之思旣遊南嶽顗便詣金陵

道岸

高僧傳道岸姓唐氏世居潁川為大族永嘉南渡遷于光州出家後居會稽龍興寺時號大和尚孝和皇帝召入朝圖形于林光宮御製像贊

後辭還光州度人置寺于是祇陀苑園鬱起僧坊

兩足尊

傳燈錄黃蘗云舉足即佛下足即衆生諸佛兩足尊者即理足事足衆生足生死足一切

等足足

靈山會

釋氏稽古畧智者大師初謁大蘇山惠思禪師悟法華三昧見靈山一會儼然未散

八部

翻譯名義一天二龍三夜

故不求

又四乾闥婆五阿修羅六迦樓羅七緊那羅八摩睺羅皆有大神力能變形在座聽法

二聖

謂惠思與智顗

慎按施氏原注此詩墨蹟今在湖州向氏首有淨居二字新刻刪去今補錄

梅花二首

春來幽谷水潺潺的皜梅花草棘間一夜東風吹石裂

半隨飛雪度關山

慎按周必大題跋東坡手書梅花二絕元豐三年正月貶黃州道中作一夜手書作昨夜

何人把酒慰深幽開自無聊落更愁幸有清溪三百曲

不辭相送到黃州

戲作種松

我昔少年日種松滿東岡初移一寸根瑣細如插秧二
年黃茅下一一攢麥芒三年出蓬艾滿山散牛羊不見
十餘年一作十年餘想作龍蛇長夜風波浪碎朝露珠璣香我
欲食其膏已伐百本桑公自注煮松脂法用桑柴灰水人事多乖迺神藥一作物

竟渺茫竭來齊安野夾路須髯蒼會開龜蛇窟不惜斤
斧瘡縱未得茯苓且當拾流肪金盞百出入皎然散飛
霜槁死三彭仇澡換五穀腸青骨凝綠髓丹田發幽光
白髮何足道要使雙瞳方却後五百年騎鶴還故鄉

慎按雲笈七籤養生家有服松脂法此詩後半首本此

萬松亭

并引

麻城縣令張毅植萬松于道周以芘行者且以名其亭去未十年而松之存者十不及三四傷來者之不

嗣其意也故作是詩

十年栽種百年規好德無人助我儀

公自注古語云二年之計樹之以穀十年之計樹之以木

百年之計樹之以德

縣令若同倉庾氏亭松應長子孫枝天公不救

斧斤厄野火解憐冰雪姿爲問幾株能合抱殷勤記取

角弓詩

萬松

復齋漫錄萬松嶺在關山碧溪詩話麻城縣界有萬松連日行清陰中其亭館亦可愛適當關山路孔武仲詩注云萬松治平中張毅所植

麻城

太平寰宇記麻城在黃州東北一百七十里本漢西陵縣地周大象元年置麻城縣名勝志石勒使其將麻秋所築隋以立縣與太平寰宇記

不合張毅

失考

附孔常父作

鬱鬱青山夾路松行人笑語綠陰中排雲架壑無
餘地灑面侵襟有好風一日勞心非欲速千年流
惠亦何窮我來俯仰尋遺愛更喜清虛萬慮空

張先生

并引

先生不知其名黃州故縣人本姓盧爲張氏所養陽
狂垢污寒暑不能侵常獨行市中夜或不知其所止
往來者欲見之多不能致余試使人召之欣然而來

既至立而不言與之言不應使之坐不可但俯仰熟
視傳舍堂中久之而去夫孰非傳舍者是中竟何有
乎然余以有思維心追躡其意蓋未得也

熟視空堂竟不言故應知我未天全肯來傳舍人皆說

別本作
悅者訛

能致先生子亦賢脫屣不妨眠糞屋流澌爭看浴

氷川士廉豈識桃椎妙妄意稱量未必然

故縣

九域志黃州麻城縣
有岐亭故縣等六鎮

能致

後漢書陳蕃傳郡人周璆高潔之士
前後郡守招命莫肯至惟蕃能致焉

附子由次韻

得罪南來正坐言道
人閉口意深全
天游本自有
眞樂羿殼誰知
定不賢構火噉噉
初吐日飛流滾

滾旋成川此心此去如灰冷宵更逢人問復然

初到黃州

自笑平生爲口忙老來事業轉荒唐
長江繞郭知魚美好竹連山覺筍香
逐客不妨員外置詩人例作水曹郎

只慙無補絲毫事尚費官家壓酒囊

公自注檢校官例折支多得退酒袋

員外置

唐書百官志初太宗自內外官定制爲七百二十員然是時已有員外置其後又有特置同正員至于檢校兼守判知之類非本制

也又魏元忠傳今州牧縣宰割削自私而更員外置官古謂之十羊九牧宋史職官志隋唐以來以省臺寺監府衛分庶務以品爵勲階別羣才復有員外之置有檢校試攝判知及諸使之名歷五季不廢唐趙謙光詩惟愁員外置不應列星文

例作水曹郎

瀛奎律髓何遜張籍孟賓于三

詩人皆

水部

陳季常所蓄朱陳村嫁娶圖二首